



Cumissiu Disentiser Card

Dissoluziun

M E S S A D I

dalla suprastanza communal a cussegl da vischnaunca

Preziau signur president
Preziadas signuras cusseglieras
Preziai signurs cussegliers

En sia seduta dils 20 d'avrel 2018 ha il cussegl da vischnaunca eligiu ina cumissiu che duei sedar giu cun la realisaziun d'ina Disentiser Card. L'idea era da crear in instrument nua ch'ins sa differenziar las puschidas per indigens ed jasters. Cuzun eran las puschidas davart dil Center da sport e cultura sco era la piazza da rimnada da rumien a Raveras il tema. La cumissiu

ha giu l'incarica da far ponderaziuns, tgei ch'ins savess tut risguardar en la carta ed era sclarir con lunsch ch'ina collaboraziun cun las vischnauncas vischinontas fuss pusseviva. Finamira era da porscher als indigens meglieras cundiziuns da prezi. Il president communal ha giu l'incarica da sclarir cun il responsabel per la semeglionta carta dil marcau da Cuera, signur Frauenfelder, tgei ch'ei duvrass per saver realisar la Disentiser Card.

Ponderaziuns

Il discuors cun signur Frauenfelder ha demussau ch'igl ei tut auter che sempel d'introducir aschia ina purschida. Dil mument che la vischnaunca porscha quella carta, munta quei che mintga persuna en vischnaunca sto survegnir ina tala carta, giuven e vegl. Il medem fuss ei tier nos hosps, dil mument che lezs havessen era il dretg dalla carta. Mintga mutaziun stuess vegnir risguardada - mintga naschientscha, mortori, persunas e famiglias che vegnan neutier ni van naven, midadas da possessurs da habitaziuns ed autras informaziuns. Las cartas dadas ora e che vegnessen senza valur stuessen vegnir clamadas anavos. Ei stuess vegnir menau exactamein cudisch tgi che posseda tut ina carta. Ina fetg gronda burocrazia che pretendia il personal persunter e buca il davos investiziuns en cars programs electronics che ston era vegnir manteni ed actualisai.

Tenor signur Frauenfelder hagi aschia ina carta buca mo amitgs. Cunzun las vischnauncas vischinontas vesien buca bugen ina tala carta ed untgeschien sin purschidas en autras vischnauncas. Il marcau da Cuera meina ina carta electronica nua ch'era fatschentas privatas san plazzar purschidas. Plinavon vegni collaborau cun vischnauncas vischinontas che hagian era anflau plaz en sia carta.

Il mument s'occupescha Sedrun Mustér Turissem cun la carta da hosps. Quella purschida pretendia dabia ponderaziuns e bunas contractivas e quei era sur il cuolm via Andermatt. Plinavon stat la sanaziun dil CSC avon porta ed era cheu vegn ins a stuer ponderar co agir el futur cun favurs per indigens e hosps. Prender ussa ina decisiun d'introducir ina Disentiser Card fuss ella situaziun momentana buca prudent. Seigi quei ord raschuns organisatorias sco era finanzialas.

Proposta

Sebasond sin las consideraziuns suramenziunadas

p r o p o n a

la suprastanza communal al cussegl da vischnaunca da:

- slijar la cumissiun per la realisaziun d'ina Disentiser Card.

Suprastanza communal Disentis/Mustér
Il president:

Il canzlist:



Robert Cajacob



Andri Hendry

Disentis/Mustér, ils 18 da matg 2020